

# Байрта өдр болна

Алтайск крайин Чисту́нск совхозин хойрдгч отделенъд сән үзмдж үзүлдж багъчуд Сарнъга Колтн, Манджин Сәркөлгнд кӧдлдж йовцхана. Цевгә Эрдни-Гәрә, Джигрә Нарн болн Харгъатин Иван өвгд чигн эднәс холд үлддж йовхш. Хальмг танъгъчин байрта диилврмүд ик багъ уга мана кӧдлмшт шунлт, ӧргмджтә йовдлмуд ӧгчәнә.

Танъгъчин байрта сонън зәнъгиг „Хальмг үнн“ газет манд авч ирнә. Эн газет авси өдр, совхозд бәәх хальмгудин байрта өдрнъ болна. Эдн кӧдлмшиннъ хӧӧн цуглрад „Хальмг үнн“ газетән умшад, ик онъган ӧгч сонъсцхана. Энүнәс танъгъчар кедж, күцәдж йовх ик диилврмүд меддж байрлна.

САНГАДЖИЕВ А.